



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Neapolitana. In Neapolin J. Cæsar Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



NEAPOLITANA.  
IN NEAPOLIN J. CÆSAR  
SCALIGER.

**P**Arthenope varii statuit discrimina mundi:  
 Quæ tria diverso tempore secla dedit.  
 Aurea Pythagoras communis commoda vita,  
 Et docuit Sophia Gracia magna procos.  
 Altera succedens studiorum mollior atas,  
 Admisit Musas debiliore sono.  
 Tertia vulnifici quæ sivit premia ferri:  
 Atq; equitum potuit sola tenere decus.  
 Sic ex privata & serva regina super sum;  
 Roma, quod est, fueram: quæ modò sum, quod eras.

INSCRIPTIONES.

IN FINIBUS REGNI NEAPOLITANI  
*ad fontem quendam.*

Philippo II. Catholico regnante, PERAF. ALCALAE  
 Dux pro rege. Hospes, hîc sunt fines regni Neapolitani. Si  
 amicus adveneris; pacata invenies omnia: & malis mori-  
 bus pulsus, bonas leges. M. D. LXVIII.

MOLAE, OLIM FORMIIS, IN PORTA.

Phil. II. Cath. regnante, Peraf. Alcalæ Dux pro rege. Si  
 quis aquam & pontes contempletur, naturam & artem  
 pulchritudine certantes ita dijudicet, ut neutri, quod su-  
 um est, deficiat.

IN PORTA GLANICI FL. QUI ET LYRIS,  
*nunc il Garigliano.*

Phil. II. Catholico regnante, Peraf. Alcalæ Dux pro re-  
 ge. Ponte exstructo, via munita, celebritatem Appiæ &  
 Flaminiae magnificentiam longè superans. CLD ID LXVIII.

PONTIS

NEAPOLITANA.

49

PONTIS VULTURNI.

Phil. I I. Cath. regnante Peraf. Alcalæ Dux pro rege. Et hoc auctori nihil unquam humile, nihil angustū in omni vita cogitanti, monumentum debetur. M. D. LXVIII.

IN ADITU CRYPTAE PUTEOLANAE,  
*prope Neapolin per montem Pausilypum itineris gratia  
excavata, cippus est erectus triangularis, cum  
triplici inscriptione.*

In latere meridion. HAC ROMAM.

In latere Boreali: ISTAC PUTEOS.

In tertio latere:

Philippo I I. Cathol. regnante Peraf. Alcalæ Dux pro rege: qui vias fecit á Neapoli ad Brutios, ad Appulos, ad Samnites, ad Latinos, opere amplissimo: hanc quoque viam, cuius antè difficilem, arctam, interruptam, cum iter ejus ad mare direxisset, vastaq; scopulorum immanitate constrata, novam aperuisset, Puteolos, multó brevior, perpetuam, illustrem, atque latam perduxit. M. D. LXVIII.

IBIDEM.

Cujus operâ pulcherrimæ piæ, ejus & providentiâ tutissimæ.

IN PONTE VICINO.

Philippo Hispaniæ rege imperante Petrus Afan, Alchalsium Princeps, constituta sanctis legibus civitate, viam hanc abscissis montibus facilem ac tutissimam reddidit. M. D. LXI.

NEAPOLI

IN MONASTERIO MONTIS OLIVETI.

Antonius de Alexandro Jurisconsultus, ad suas & suorum reliquias, quousq; omnes resurgamus, reponendas, sacellum hoc construxit, & redemptori nostro dicavit. M. CCCC. LXXXI.

Quo loco, quove tempore fiat hæc migratio, quid interest? Undique Christi fidelibus ad cælestia regna patet aditus. Sequentur autem me haud dubiè, quicumque non præcesserint.

D

## NEAPOLITANA.

## ALIUD IBIDEM.

*Qui fuit Alfonsi quondam pars maxima regni,  
Marinus hac modica nunc tumulatur humo.  
Nil nisi divinum stabile est, humana laborant.*

## TIBI COELI REGINA

Galeacius Caracciolus, cui bona multa contulisti, á quo item mala abruncasti plurima, sacellum marmoreū, cum signis & omni cultu gratus libensq; dedico, & tanquam decumam solvo. Anno post editá á te salutem M. D. XVI. VIII. Id. Jan.

Galeacio Caracciolo, qui sub regibus Arragoneis egregiam sapius in bello operam navavit: quiq; in expugnatione Hydruntina adversus Turcas regis signis præfuit. Vixit an. L VII. Nicolaus Anton. parenti optimo fecit.

## EX ALTERA PARTE.

Nicol. Anton. Galeacii fil. Caracciolus Vici Marchio, & Cæsaris á latere Consiliarius, sibi vivens, & Juliæ Laganiæ conjugii incomparabili. M. D. XLIII.

## AD INTROITUM EJUSDEM SACELLI.

*Omnia Domine tua sunt, & quæ de manu accepimus tua, reddimus tibi.*

Nicolaus Antonius Vici Marchio: sacellum hoc á Galeacio patre inchoatum, omnibus suis partibus expletū, lætus obtulit, dedicavitque: á partu Virginis ann. M. D. LXVIII. mens. primo, die VI.

## DIVUS LADISLAUS.

*Qui populos bello tumidos, qui clade tyrannos  
Percolit intrepidus victor terraq; mariq;  
Lux Italum, regni splendor clarissimus hic est.  
Cui tanto, heu, lacryma soror Illustrissima fratri  
Rex Ladislaus, decus altum & gloria regum,  
Defuncto pulcrum dedit hoc regina Joanna,  
Utraq; sculpta sedens, majestas ultima regum  
Francorum, soboles Caroli ab origine primi.*

## D. O. M.

Scipioni Antonii fil. Sumæ, Caroli v. á latere Consiliario, II

NEAPOLITANA.

rio, in administranda justitia, in provinciis regendis, in  
rebus bellicis expediendis, integritate, prudentia, & fide.  
Vixit annos LXIII. mens. III. Obiit á partu Virginis  
M. D. LII. XVII. Kl. Novembr. Hippolyta Momfortia  
marito optimo.

IN TEMPLO S. MARIAE.

*Astur is ungue Leo pullum rapiens aquilinum,  
Hic deplumavit acephalumq; dedit.*

ALIUD AD CLARAE.

Hic jacet Princeps illustris Dominus Carolus, primo-  
genitus serenissimi domini nostri, Domini Roberti, Dei  
gratiâ Hierusalem & Siciliae regis inclyti, Dux Calabriae,  
ac praefati Domini nostri Regis Vicarius generalis. Anno  
M. CCC. XXIV.

VICTORIAE CAPICIAE, uxori integerrimae. Ne  
quos singularis amor, & mirabilis concordia conjunxit,  
vel mors ipsa divideret tumulo: hic conjugis cineres ex-  
pectant viri. Julius Caesar Sconditus pos.

AD S. MARIAE DE PORTA NOVA.

Quam praeposterè res sese humanae habent! cujus mi-  
hi dulcissimas manus oculos prius claudere fas fuit, infe-  
liciss. parens filium hic antè condidi meum. Ademit im-  
portuna mors seni baculum, cui defessa jam adnitens æ-  
tas annos allevaret suos. nunc antè me mors assequetur,  
quàm hæ lacrymæ deserant.

Carolus Morimini Joanni F. B. M. pos. Vixit an. XXVII.  
M. I. d. VIII. M. CCCC. LXXXIII.

AD S. GEORGII.

*Orbitatis misera miserere, hospes:  
Unica parentum spes, unica lux,  
Egregia forma, rara indole puer,  
Triennio vix exacto, hic è suorum  
Complexu raptus clauditur.  
En rerum humanarum conditio!*

IBIDEM.

*Indulgens natura fuit, sors cruda puella,  
Qua jacet hic, primo rapt a puerperio.*

D 4

## NEAPOLITANA.

Et decor, & lepidi mores, & dulcia lingua  
 Flumina, & atatis flos, pietatis amor,  
 Decretum duri nequierunt vincere fati,  
 Ante diem bona tot sustulit una dies.  
 Talis ad Elysios abiit Catharina recessus;  
 Lucifer ut visus nube adopertus abit.  
 Perpetuas liquit lacrymas utriq; parenti,  
 Perpetuó extinctam sexus uterq; dolet.

Avete parentes opt. Tomasio Duro, rari exempli Patri-  
 tio: & Juliae Rotæ genere, & religione insigni: Filii colla-  
 crymantes facere cur. erepti. An. M. D. XXXVI.

Felices, quibus una fuit mens semper; & una  
 Quos tulit hora simul; quos lapis unus habet.

## MICH. AMIDEUS CIVIS NEAP.

Cum fex, cum limus, cum res vilissima simus,  
 Unde superbimus, si ad terram terra redimus?

## VIRGINIS MATRIS.

Partus & integritas discordes tempore longo,  
 Virginis in gremio foedera pacis habent.

Hospes legas, ne lugeas rogo.

Illa Isabella Ricchisentia Cardonia  
 Neap. pro Regina jacet hîc.

Quam si oculis in terris vidisse viventem  
 Summa fuit beatitudo:

Quanto feliciores erunt, quibus animo  
 In calis eandem (quinam mori potuit?)

Contemplari contigerit!

Credendum est ejus formam & virtutem  
 Anima ad aeternam gloriam fuisse comites.

Occidit aurora oriente, æt. sus

Ann. XXXVI. v. Mart.

## LUCRETIA EBULA.

Perpetuus mariti dolor hîc sita est.  
 Joannes Vincentius Loffredus  
 Conjugi dulcissima fecit. Voluit idem  
 Huc ejus inferri cineres; ut cum ea  
 Semper unâ esse posse mortuo saltem

Liceat.

NEAPOLITANA.

*Liceat, id quod vivo non licuit.*

*Hinc pauperum cadavera non arceantur.*

IBIDEM.

Si genus, pulchritudo, ingenium, si parentum amor,  
Pietas, labor, ac diligentia mortales asserere possent  
Ab impetu furentis mortis; Portia Pignatella, infelix  
Mater, invitaq; superstes, nunquam Lucretiæ  
Caracciolæ nobile cadaver, lacrymans, sacro spiritui,  
hoc tumulo condidisset.

Vixit annos XXIII. m. XI. d. XXVI.

Decessit á partu Virg. An. M. D. LII.

D. O. M.

O mortalem variam instabilemq; fortunam!

Joan. Boot Antvverpiæ nascitur: ut prudentior fieret,  
lustrat Europam: Tandem Neapoli, dum legibus operam  
navat, atq; officiosissimé negotiatur: majorum splendore  
nobilis; fide, pietate, ac singulari integritate longé nobilior:  
in ipso ætatis flore moritur: Antonius fratruelis;  
quem vivum servare non potuit, hic ex testamento condito  
cadavere, piis lacrymis ad superos conscendentem  
prosecutus est. Decessit á partu Virgineo M. D. LVII.  
d. XXIIII. Febr.

IBIDEM.

Antonius Amabilis Protonot. Aposto. & Canonicus  
Neap. de suo nihil aliud, quám tantulum marmoris sibi  
reliquit.

An. sal. M. D. LII.

IN S. JOSEPHI.

Sic mors ipsa, cum venerit, vincitur,  
Si, prius quám veniat, semper timeatur.

Anno M. D. XXI.

IBIDEM.

Hic æquis passibus patrem secutus, æqué enituisse:  
ni mors immatura tantam gloriæ expectationem intercepisset.

D. iij

*Qua mihi debebas suprema munera vita,  
 Infelix solvo nunc tibi, nate, prior.  
 (Fortuna inconstans, lex & variabilis & vi)  
 Debueras cineri jam superesse meo.  
 Hac dat matris amor rapti solamina nati,  
 Invida cui Lachesis tam breve necesse opus.  
 Nate jaces vivo, contra mea vota, superstes.  
 Vox gemitus posthac, lux mihi erunt tenebrae.*

Maria Ayerba Ferdinando Termucanorum  
 Duci, filio dulcissimo, perpetuó mœrens  
 posuit. M. D. XXXI.

## IBIDEM.

Baldassari Richæ, fratri concordiss.  
 Caspar natu major superstes  
 Commune marmor posuit, ut quos vita conjun-  
 ctissimos tenuit, mors indivisos custodiret.

Ann. S. M. D. XVIII.

Obiit annum agens XXVII. XXI. Decemb.

## ALIUD.

Joannes Orbinus hîc situs est. Qui summo corporis at-  
 que animi vigore bella gerendo, Cæsari victorias, Hispa-  
 niæ decus, & sibi nomen cum immortalis gloria compa-  
 ravit.

Anno sal. M. D. XXXI.

Rodoricus Ripalta amicus benemerenti pos.

## AD S. SEVERINI.

Hic ossa quiescunt Jacobi Sanseverini, Comitis Sapo-  
 nariæ, veneno miseré, ob avaritiam, necati, cum duobus  
 miseris fratribus, eodem fato, eadem hora commori-  
 entibus.

## IBIDEM.

Jacet hîc Sigismundus Sanseverinus, veneno impié ab-  
 sumptus, qui eodem fato, eodem tempore, pereuntes ger-  
 manos fratres nec alloqui, nec cernere potuit.

## IBIDEM.

Hic situs est Ascanius Sanseverinus, cui, obeunti co-  
 dem



dem veneno iniqué atque impié, commorientes fratres  
nec alloqui, nec videre quidem licuit.

## IBIDEM.

Hospes miserrimæ miserrimam defleas orbitatem. En  
illa Hippolyta Montia, post natas fœminas infeliciss. quæ  
Ugoni Sanseverino conjugii tres maximæ expectationis  
F. F. F. peperit. Qui venenatis poculis (vicit in familia  
(proh scelus) pietatem cupiditas, timorem audacia, &  
rationem amentia) unâ in miserorum complexibus pa-  
rentum miserabiliter illico exspirarunt. Vir, ægritudine  
sensim obrepente, paucis post annis, in his etiam mani-  
bus exspiravit. Ego tot superstes funeribus, cujus requies  
in tenebris, solamen in lacrymis & cura omnis in morte  
collocatur, quos vides separatim tumulos, ob æterni do-  
loris monumentum, & in memoriam posui illorû sem-  
piternam. Ann. 1547.

## AD S. SEVERINI.

*Dum facio infelix æterno funera fletus  
Creverunt lacrymis hæc monumenta meis.*

*Quis, nisi mollissem tristissima corda, rigerem  
Ipsa etiam, hoc toto corpore facta silex.*

Guidoni Ferramoscæ Comiti Mignano con-  
jugi O. M. Isabella Castriota infelix contra  
votum P.

## IN TEMPLO MONTIS OLIVETI.

Qui legis hæc, summissiùs legas, ne dormientem exci-  
tes. Rege Ferdinando orta Maria Arragonea hic clausa est.  
Nupsit Antonio Piccolomineo Amalfæ Duci strenuo, cui  
reliquit tres filias, pignus amoris mutui. Puellam qui-  
escere credibile est, quæ mori digna non fuit. Vixit ann.  
viginti. Anno Domini M. C. C. C. L. X.

## IBIDEM.

*Quis jacet hoc gelido sub marmore? maxumus ille  
Piscator, belli gloria, pacis honos.*

*Nunquid & hic pisces cepit? non, ergo quid? urbes,  
Magnanimos reges, oppida, regna, ducas.*

D iij

*Dic quibus hac cepit Piscator retibus? alto  
 Consilio, intrepido corde, alacriq; manu.  
 Qui tantum rapuere Ducem? duo numina, Mars, Mors,  
 Ut raperent quisnam compulit? Invidia.  
 Nil nocuere ipsi. vivit nam Fama superstes,  
 Qua Martem & Mortem vincit, & Invidiam.  
 Auctor Ariostus, ut ajunt.*

## IBID. AD PORTAM SACELLI.

Quam capit hic tumultus, Cæcilia Januaria inter præcipua urbis ornamenta, venustatis atque pudicitiae exemplum, hic à Julio Januario marito miserabili, donec ejus cineres commodiori, & utrique solum communi sepulcro deponantur, sita est. Elata ex abortu, cunctis lacrymantibus. Anno abortu salutis M. D. XXX. XVI. Calend. April.

## ITEM.

Hisabellæ Oriliæ, cui nunquam vel tantillum querelarum dedimus; superstites novem filii, matri optimæ. Vixit ann. LVII. Obiit M. D. XXXVII.

HOSPES MIRARE SEPULTI  
*fidem.*

Hic, dum arcis Parthenopææ à Divo Alfonso Arragoneo præfectus, classica & terrestri obsidione premeretur, ne fidem pollueret, exhausto jam ærario, imminencia capitis pericula sponte negligens, foedum mularum & canum esum non respuit; quin duobus fratribus captivis ab hoste oppositis, ne tormentorum ictus increbescerent, socio sanguini fortitudinem præferens, à proposito non est abductus. Deinceps mortuo rege inclyto Ferdinando, uberrima multorum frangendæ fidei præmia ludibrio habuit.

## FLEBILE AMICI OBSEQUIUM,

*Pierides tumulo violas, Venus alma hyacinthos,  
 Balsama dant Charites, cinnama spargit Amor,  
 Phœbus odoratas laurus, Mars ipse amaranthos,  
 Nos lacrymas rara munus amicitia.*

Alexandri Novolatæ Comitiss, juvenis (proh dolor)  
 & bel-

& bellicis & litterariis dotibus ornatiss. ossa hinc quiescunt  
pro tempore. Vixit ann. P. M. xxxiii.

Hic tantum mortem doluit, quod in acie non cecidisset,  
quibus notus sat, miseré deplorandus. Anno M. D. xxx.  
non. Augusti,

## I B I D E M.

Qui legis, mortem inculato, quæ tot venustatis ornamenta,  
tot gratiarum elegantias, tot pudicitia flosculos  
in una Portia Caracciola germinantes acerbissime sepelivit.  
Isabella soror Castrovillari Dux hanc illi urnam, immortalium  
causam lacrymarum, erexit. M. D. L.

Quisquis me nunc calcas vivus, cogita, si sapis, idem  
te mox futurum.

## I B I D E M.

Marianum Alaneum, Bucclanici Comitem, domi militiaeque  
clarissimum, & Katharinellam Ursinam pudicitia insignem,  
conjuges in vita concordissimos, ne mors quidem ipsa disjunct.  
Liberi pientissimi, ut parentes optimi junctim, sicut optaverant,  
cõderentur, curavere. M. CCCC. LXXVII.

## A L I U D.

Huic virtus gloriam, gloria immortalitatem comparavit. M. CCCC. LXX.

## A L I U D.

*Flos tener hinc languet, qui ni cecidisset; ut urna  
Nomine sic magna laude niteret avi.*

## A L I U D.

Mortales, an scimus quid futura nobis dies promittat?  
natalem, & locum, & diem scimus; sepulturae nescimus.  
Blancina mihi nomen est, Barcellona patria; hæc dum bello  
gravius premitur, ipsa liberos ut viserem, Neapolin profecta  
sum; ubi dum quinquennium exigo, supremus mihi dies affuit;  
condi hinc volui, neminemque sepulcro huic inferri cavi,  
nullius mecum cineres misceri passura.

Blancina Barcellonensis hinc posita est, quæ obiit xxviii.  
Julii. M. CCCC. Lxix. Vixit an. Lxxx. quorum Lx. sine que-

rela exegit cum Jacobo Ferraro conjuge concordissimo.  
Jo. fil. posuit.

Hic Terra tegit Terram.

IBIDEM.

*Quid me felicem vani dixere parentes,  
Si mihi morte fuit vita molesta magis?  
Nil bene successit patrias moriturus adoras  
Dum propero, hic sepelit Parthenopea senem.*

ALIUD.

Rodoricus Mendotia Angelæ-Mariæ filiæ carissimæ,  
cujus nuptiarum spem præmaturo funere finivit, hoc  
monumentum posuit, ei superstes ipse, cujus parentalia  
exspectabat. Vixit an. VII. M. D. XLIV.

AD CATHARINAE A FORMELLO.

Loisius Acciapaccia Eques Neapolitanus, pedestrium  
copiarum ductor, sedem hanc sibi paravit, ne cui, vel in re  
parva, molestus esset, ut idem moriens faceret, quod vivus  
fecit. M. D. LII.

IBIDEM.

Constantinus Castriotus hic tegitur, sanguine & co-  
gnatione regum ac Cæsarea clarus; morum candore insi-  
gnis; dignitate Pontifex Esfernensis; dum probè vivit; in-  
tempestidè moritur. Andronica Cominata avia paterna,  
nepoti optimo posuit. M. D.

IBIDEM.

Araldo de montibus, cui verbum nullum unquam ex  
ore excidit, unde quisquam posset offendi; Pompejus de  
montibus patrueli optimo, & homini rarissimo, memo-  
riæ causa. Anno à partu Virgineo M. D. LVII.

IN DOMINICI.

Ad enses Marchionis Pescariæ.

*Pescario Marti debetur Martius ensis.  
Barbara adest: tutus medios potes ire per hostes.*

AD S. CRUCEM.

Hic jacet summæ humilitatis exemplar, corpus vene-  
rabilis

rabilis memoriae sanctae sororis Clarae, olim dominae Sanctae, Reginae Hierusalem, & Siciliae, relictæ claræ memoriae serenissimi domini Roberti, Hierusalem & Siciliae regis, quæ post obitum ejusdem regis viri sui, agens viduitatis debitæ annum, deinde transitoria pro æternis commutans, ac induens in ejus corpore, pro amore Christi, voluntariam paupertatem, bonis suis omnibus in alimoniam pauperum distributis, hoc celebre monasterium sanctæ Crucis, opus manuum suarum, sub ordinis obedientia est ingressa, anno Domini millesimo, trecentesimo, quadragésimo quarto, die XXI. Januarii, duodecimæ Indict. in quo vitam beatam ducens, secundum regulam beati Francisci patris pauperum; tandem vitæ suæ terminum religiosè consummavit. Anno Domini M. CCC. XXXV. die XXVIII. Julii, tertiædecimæ Indict. sequenti verò die factis exsequiis tumulatur.

AD S. LAURENTIUM.

JOHANNI FRANCISCO

PIGNONO,

In quo tot virtutum flores enitebant, ut immortales posteris fructus pollicerentur, sed tamen (cheu) spem fructuum rapidus Auster ilico ad terram decussit. Aurelius & Cæcilia Ursina parentes certatim collacrymantes, filio quam cariss. ob egregias dotes poss. Elatus quiescenti, quam mortuo similior. Ann. agens XIII. M. D. XLVIII.

IBIDEM.

Johannes Baptista Villanus. Quam vivus nequirit, mortuus invenit requiem. M. D. LV.

IN S. AUGUSTINI.

*Quot lacrymas moriens liquisti, filia, matri,*

*Tot tibi dent superi gaudia perpetuo.*

*Ter conata sequi, ter spiritus haeserat ori,*

*Quod volui, haud potui, te moriente mori.*

*Solamen si quod misera est, insomnia praestant,*

*Quum tristem in somnis ludit imago animam.*

Claudiae Gaglianæ foeminæ rariss. Quæ vixit annos XIX. menses X. dies IV. Angela Ferrayola mater infeliciss. F.

Quam tunc dolor intestinus deseret, quum clemens  
mors illam affequetur.

IBIDEM.

Antonius Corradus Aquinatum Pontifex, nobilitate  
clarus, virtute clarior, pietate ac religione clarissimus,  
hic situs est. Daria-Gregoria de Aquino leviro beneme-  
renti ex suo pos. An. ab ortu salutis M. D. XXXIII.

IBIDEM.

Dioneus fuit Tornaquintius. Ann. vixi vix XVIII. vitæ  
instabilitatis exemplum. M. D. XIII.

IBIDEM.

*Flere tuum licuit, frater dulcissime, funus:  
Addere perpetuus non licuit lacrymas.*

Paulo Fontanæ Augustiniano Theologo, Conciona-  
tori ætatis suæ eloquentiss. qui vixit ann. XXXIII. mens.  
VIII. d. VII. Michaël Fontana frat. opt. ac B. M. ob pietatem  
posuit. Obiit An. Christi M. D. XXIII. Augusti XXVI.

*Sub hoc Epitaphio picta est aquila; tenens librum ma-  
gnum apertum, adjectis verbis seqq.*

Paulum verò Neapolit. Eremit. in quo potissimum  
laudum genere collocem, non invenio. Nam si probita-  
tem, si studia, humanitatem, liberalitatem, gratiam spe-  
stem; nemini secundus apparebit. Si dicendi peritiam, fa-  
cundiam, promptitudinem, modulatiss. vocem, aptiss. ge-  
stus, concinnos flores, luculenta verba, beatam memori-  
am, ferventiss. hortationes, propheticum furorem: pri-  
mum in sua ætate locum facile obtinebit. cujus peren-  
nem atque beatiss. eloquentiæ fontem toties Urbs ipsa  
Roma, Venetorum Senatus, Janua, Panhormus, Sicilia,  
Regnum Apuliæ, & quod rariss. est, patria Neapolis, ma-  
ximo plausu pluries est admirata: quem in medio fortu-  
narum cursu, ut desiderabiliorem nobis, sic & feliciorum  
sibi, mors ipsa abstulit, finem quoq; tantorum laborum  
& volenti, & plurimum exoptanti præstitit.

IBIDEM.

Tibi Dei para Virgo, sacroque sancto partui tuo, Bern-  
ardus

ardus Summaja, & Lucretia de Gondi, concordissimo animo, sacellum cum ara, tumulo, ac omni cultu dedicamus. M. D. XLIII.

## IBIDEM.

Ferdinandus Celentanus Neap. videns mortales omnes, hunc suis, ac uxoris Aureliæ Servillæ, posterumque ossibus quietis locum in vita paravit. Anno Domini M. D. LI.

## IBIDEM.

Annibal Marzanus Cæs. à rationibus, Morti sive serotinae, sive acerbae, pu fillo marmore obstitit.

## ALIUD.

*Nata, eheu miserum, misero mihi nata parenti,*

*Unicus ut fieres unica nata dolor.*

*Nam tibi dumq; virum, tadas, thalamumq; parabam,*

*Funera & inferias anxius ecce paro.*

*Debuimus tecum poni materq; paterq;*

*Ut tribus hac miseris urna parata foret.*

*At nos perpetui gemitus, tu nata sepulcri*

*Est heres, ubi sic impia fata volunt.*

Antonix fil. cariss. quæ Hieronymo Granatæ juveni ornatiss. destinata uxor ann. nondum impleverat XIII. Joan. Gaudinus & Eleonora Bossa parentes infeliciss. poss. Rapta ex eorum complexibus Anno sal. M. D. XXX. prid. Cal. Jan.

## ALIBI.

*Hospes eram mundo, per mundum semper eundo,*

*Nunc suprema dies fit mihi summa quies.*

## D. O. M.

Subsiste parumper viator, si placet, & quis hoc tegatur tumulo, lege. fuit is Johannes ille Waltherus ab Hirnhaim Germanus, inter equestris ordinis viros miles fortiss. qui Carolum v. Imp. Augustum in omni fortuna secutus, à consiliis illi, à legationibus & præcipuis munitis bellicis fidelem & strenuam operam præstitit. Idem ejus

filio Philippo Hisp. & Angliæ Regi præstiturus v. r. mill. Germanorū in hoc regnum duxit; sed eodem die, quo in Hernicis pax bello, morbus vitæ illius finem imposuit. Ergo tu quisquis es miles, qui hæc legeris, fato tuo ne terere, sed cogita, summos etiam duces sæpe extra bellum occumbere. Obiit xviii. Aug. Ann. M. D. LVII.

Henricus á Pappenhaim Sac. Rom. Imp. hæreditarius Marschaleus, militum tribunus, avunculo benemerito gratitudinis ergo cum lacrymis P. F.

Hans Walther von Hirnhaim bin ich genant/  
Mit ehren führt ich mein Ritterstandt/  
Des Keyser Carls Racht vnd Oberster ich was/  
Seins sohns Philipsen gleicher maß.  
Dann ich sein land vnd leut zu verfechten  
Zog hiereyn mit sechs tausent landstnechten,  
Als aber der Krieg in frid verwendt/  
Hab ich zu Imenzal mein leben geendt.  
Der Körper ist hie zur erden bestat/  
Mein seel in guad Gott aufgenommen hat.

## D. O. M.

## LACT. LUCAITIUS CAUSID.

Spiritum Deo,	Probitatem famæ,
Prolem naturæ,	Nefas Herebo,
Labores sorti,	Ossaq; sepulcro.
Sibi vivens ac posteris D.	

## A XI I I D.

Quid? Omnia.	Si nihil; cur omnia?
Quid omnia? Nihil.	Nihil; ut omnia.

## AD S. LAURENTII.

Hospes quid sim, vides. Quid fuerim, nosti.  
Futurus ipse quid sis, cogita.

*Inferri sancto manes quia turpe putavi,  
Idcirco ante fores conditus hic jaceo.*

Erricus Rud. Eq. Neap. vivus sibi posuit, ne de sepulcro sollicitus heres esset, néve vivorum negligentia obesset mortuo.



IN S. JOAN. DE CARBONARA.

Lucretia de Baucis, Comitissa Burgentia & Cagiani  
Ducissa, videns defunctorum curam triduo deleri, ne po-  
steris ulla sui relinquatur, vivens hoc sibi posuit.

IN S. PETRI.

Apud DEUM nihil operosa humilitate sublimius:  
Nullum theatrum virtuti conscientia majus.

ALIUD.

Hic requiescit sanctæ memoriæ excellentissima Do-  
mina Maria, Dei gratiâ Jerusalem, Sicilia, Ungariæq; Re-  
gina, Magnifici Principis quondam Stephani, Dei gratia  
Regis Ungariæ fil. ac relicta vidua claræ memoriæ inclyti  
Principis D. Caroli secundi, & mater serenissimi Principis  
ac Dn. Domini Roberti, dictorum regnorum Regum Il-  
lustrium, quæ obiit Anno Domini 1323. indict. 16. die 25.  
mensis Martii: cujus anima requiescit in pace.

D. M.

*Injice, si pietas usquam est, suspiria, & imple  
Mecum hospes lacrymis marmoris hoc vacuum:  
Nam forma exemplum perit cum obiit mea Lyda,  
Quam petiere homines, & petiere dii.*

ALIUD.

*Verna puer, puer o mi verna quis? ah quis ab aura  
In tenebras rapuit perditus, heu morerer,  
Ni tecum assidue loquerer, ni sape jocando  
Fallerer, hinc te dum continuo adspicio.  
Semper ero tecum, & si me sopor occupet, umbram  
Te umbra petam, ergo unquam ne metue abs te abeam.*

IN COENACULO MONACHORUM  
montis Oliveti.

Alphonso Arragoniæ Regi justissimo, invictissimo,  
munificentissimo, Oliverus Ordo, ob singularem erga se  
beneficentiam, qui cum hic conjunctiss. vixit, ut regia ma-  
jestate deposita, cum eis unâ cibum caperet, ministris de-  
inde mensarum ministraret, lectitaretque, F. C.

## NEAPOLITANA.

IN DOMO ALEMANNI CIVIS NEAP.  
*inscriptio lapidis antiqui.*

Μ. Μάριος ὁπίκλιτος τῆ τύχῃ  
τῆς νέας πόλεως ἀνέθηκεν χερσίν ἑαυτοῦ.

## AD S. PETRI.

Post Jesu Christi resurrectionem, & ad cælos ascensionem anno vigesimo, Beatus Petrus Apostolus Neapolim veniens, prima jecit fundamenta præsentis Ecclesiæ, ab eodem nuncupatæ, & ad memoriam posteritatis extabat titulus marmoreo lapide inscriptus parieti campanarum confabricatus, qui exercitu barbarico Neapolitanum agrum pervagante interceptus est.

Idem Apostolorum princeps eandem Ecclesiam per seipsum consecravit, & in hujus dedicationis memoriam extat lapis marmoreus, Græcis literis exsculptus, qui in dextro cornu majoris altaris conditur.

## IBIDEM.

Gumbertus Dei gratia Marchio Brandenburg. Stetin. Pomer. Cassuborum & Slavorum Dux, Burggrafius Norinbergæ, & Princeps Rugen. qui obiit Mercurii, D. Joh. Bapt. 24. Junii. Anno 1528.

## CAROLI MORIMINI.

Fui, non sum. estis, non eritis. nemo immortalis.

Somno & securitati æternæ. Carolo Morimini patri opt. Trojanus & Henricus F. virtutis & amoris causa.

## IN TEMPLO S. MARIAE NOVAE.

Ossibus & memoriæ Petri Navarrae Cantabri, solerti in expugnandis urbibus arte clarissimi. Consalvus Ferdinandus Ludovici filius, Magni Consalvi nepos, Sueffæ Princeps, Ducum Gallorum partes secutum pio sepulcri munere honestavit, cum hoc in se habeat præclara virtus, ut etiam in hoste sit admirabilis.

## IBIDEM.

Odetto Fuccio Lautrecho Consalvus Ferdinandus Ludovici Cordubani F. Magni Consalvi nepos, cum ejus ossa

ossa, quamvis hostis, ut belli fortuna tulerat, sine honore jacere comperisset; humanarum miseriarum memor Gallo duci Hispanus Princeps in avito facello P.

## IN JO. EVANGELISTAE.

Angelo Papacodæ, Fran. Filio Martoranensi Episcopo, viro ornatissimo, qui in non magnis opibus magnū exercens animum; nulla magis in re, quā aliorum levanda inopia suis bonis usus est. Hæredes B. M. P. Decessit ex mortalib. an. nat. 66. ab ortu mundi rediivi 1537.

## IN S. MARIAE.

*In mundo spes nulla boni, spes nulla salutis.*

*Una salus servire DEO: sunt cætera fraudes.*

IN VESTIBULO AEDIIUM PRINCIPIS  
Magdalonii.

*Huc quicumq; venis faustè & benè veneris hospes,*

*Comiter in nostra suscipere domo.*

## SUPRA CAMINUM.

Si propiùs steteris, flagras: si longiùs, alges.

## IN MONTE PIZOFALCONIO.

Andreas Caraffa, S. Severinæ Comes, villam hîc struxit, Caraffanam quæ appellavit; Lucillum imitatus parili animo, licet opibus impar, atque ita sanxit: Delicati juvenes huc ne accedunto. emeriti senes, nec inglorii, honesta quiete hîc fruuntor. Viri docti bonique ingenia hîc exercito. Qui è Caraffa gentilitate fuerit, qui sanctiones hasce non servaverit, suburbani hujus exhæres esto, proximiorq; succedito. Anno M.D. XII.

## IN MURO HORTI CAPELLAE.

EXERCITIUM est humanæ vitæ conservatio: caloris naturalis lima: excitatio dormientis: naturæ virtutum corroboratio: superfluitatum consumptio: ocio inimicum: temporis lucrum: juventutis debitum, & senectutis gaudium.

Ille ergo solus ab exercitio abstineat, qui utriusq; sanitatis beneficio vult carere.

## NEAPOLITANA.

## IN CASTELLO EREMI.

*Hic á Toletó cognomine Petrus humatus,  
Vir vita & studiis, clarus & ingenio.  
Servanda huic primúm quem rex profecerat arci,  
Ut munita foret rupibus, arte, fide.  
Servata hac annos ter senos, nomen & ossa  
Hujus perpetuó servet & omne decus.*

Vixit annos L X I. obiit anno M. D. L I X. D. Sophia Me-  
goran. uxor P. ut vir iusserat.

IN LEUCOPETRA VILLA ANTE  
ingressum.

Hospes, etsi properas, ne sis impius, præteriens hoc  
ædificium venerator. Hic enim Carolus v. Rom. Imp. á  
debellata Africa veniens, triduum in liberali Leucopetræ  
gremio consumpsit. florem spargito, & vale. Anno M.  
D. XXXV.

## IN TURRI.

Ut diurno lusu defessus Pan, Satyris Nymphisq; co-  
mitantibus, cum Musis simul tutus á prædonibus noctu  
quiesceret: Bernardus Martiranus Patritius Consentinus,  
Regni Neapolitani sub Carolo Cæsare v. Secretarius, pro-  
pugnaculum hoc erexit. Annom. D. XXXII.

SACELLUM JOANNIS JOVIANI PONTANI VI-  
detur Neapoli ad templum S. Maria majoris, extrinse-  
cus gravissimis hisce sententiis conspicuum.

In magnis opibus, ut admodum difficile, sic admo-  
dum pulcrum est, seipsum continere.

In utraq; fortuna ipsius fortunæ memor esto.

Seró pœnitet, quanquam citó pœnitet, qui in re du-  
bia nimis citó decernit.

Integritate fides alitur: fide veró amicitia.

Nec temeritas semper felix, nec prudentia ubiq; tuta.

Hominem esse se haud meminit, qui nunquam inju-  
riarum obliviscitur.

Frustra leges prætereunt, quem non absolverit con-  
scientia.

In omni vitæ genere primum est seipsum noscere.

IN EODEM SACELLO ARAE DEDICATO.

Tibi, DEUS Optime Maxime, aram hanc dedicat Joannes Jovianus, nec tecum paciscitur, ut sibi, liberis posterisque suis benefaxis: cum ipse volens libensque gratuito benefacias cunctis: sed quia tibi ab omnibus debeatur omnia.

EPITAPHIUM IPSIUS PONTANI.

*Vivus domum hanc mihi paravi,  
Quam quiescerem mortuus.  
Noli obsecro injuriam mortuo facere,  
Quam vivus fecerim nemini.  
Sum enim Joannes Jovianus Pontanus,  
Quem amaverunt bona Musa,  
Suspeperunt viri probi,  
Honestarunt Reges, Domini.  
Scis jam qui sim, aut qui potius fuerim.  
Ego vero te hospes in tenebris noscere nequeo,  
Sed te ipsum ut noscas rogo. Vale.*

IBIDEM.

PETRO COMPATRI VIRO OFFICIOSISS. CONSTANTEM OB AMICITIAM, Jo. Pontanus.

Quid agam, requiris? tabesco. Scire quid sim, cupis? fui. Vitae quae fuerint condimenta, togas? Labor, dolor, aegritudo, luctus, servire superbis dominis: jugum ferre superstitionis: quos charos habeas, sepelire: patriae videre excidium: nam uxoris molestiam nunquam sensi.

HADRIANAE SAXONAE.

*Illam tori bene fida comes custosque pudici,  
Cuique & acus placuit, cui placuere coli.  
Quaque focum castosque lares servavit, & ara  
Et thura, & lacrymas, & piaserta dedit.  
In prolem studiosa parens, & amabilis uni,  
Quae studuit caro casta placere viro:  
Hic posita est Ariadna, rose violaque nitescant.  
Quam posita est Sirio spiret odore locus.  
Urna crocum domina fundat, destillet amomum  
Ad tumulum, & cineri spica Cilissa fluat.*

E ij

Quinquennio postquam uxor abiisti, dedicata prius  
ædicula, monumentum hoc tibi statui, tecum cotidianus  
ut loquerer, nec si mihi non respondes, respondebit desi-  
derium tui, per quod ipsa semper mecum es: aut obmu-  
tescet memoria, per quam ipse tecum loquor. Have igitur  
mea Hadriana. Ubi enim ossa mea tuis miscuero, uterque  
simul bene valebimus. Vivens tecum vixi annos **xxix.**  
dies **xxix.** Victurus post mortuus æternitatē æternam.

Joannes Jovianus Pontanus Hadrianæ Saxonæ, uxori  
optimæ, ac bene merentiss. pos. quæ vixit annos **xlvi.**  
mens. **vi.** Obiit Kalend. Mart. Anno **m. cccc. xc.**

L. FRANCISCO, JOAN. PONTANI F.

*Has aras pater ipse Deo, templumq; parabam,*

*Quo tu nate meos contegeres cineres.*

*Heu fati vis lava, & lex variabilis ævi;*

*Nam pater ipse tuos nate struo tumulos.*

*Inferias puero senior, natoq; sepulcrum*

*Pono parens. heu quid sidera dura parant?*

*Sed quodcunq; parant, brevè sit. namq; optima vita*

*Pars exacta mihi est; cætera funus erunt.*

*Hoc tibi pro tabulis statuo. pater ipse dolorum*

*Hares, tu tumulos pro patrimonio habe.*

*Vixit annos **xxix.** m. v. d. **iii.***

L. Francisco F. Pontanus pater, an. Christi **m. cccc. c.**  
d. **xxiii.** Aug. P.

LUCILII EJUSDEM PONTANI FILII.

*Lucili tibi lux nomen dedit, & dedit ipsa*

*Mater stella tibi stellaq; luxq; simul.*

*Eripuit nox atra, nigra eripere tenebra,*

*Vixisti vix quod littera prima notat.*

*Hosne dies breve tæmne tibi lux fulsit, & aura*

*Maternum in nimbis sic tenuere jubar?*

*Infelix fatum! puer heu malè felix! heu quòd*

*Nec puer es, nec lux, nec nisi inane. quid es?*

*Floreat ad pueri tumulum Ver, halet & urna*

*Lucili, & cineri spiret, inustus odor.*

Dies **L.** non implesti fili. ò breve naturæ specimen! æ-  
ternus parentum mœror, ac desiderium.

*Has Luci tibi & inferias, & munera solvo  
 Annua vota pius, heu mihi, cum lacrymis.  
 Hac Luci tibi & ad tumulos positumq; pheretrum  
 Dona pater multis diluo cum lacrymis.  
 Hac dona inferiasq; heu, heu, hunc nate capillum,  
 Incanasq; comas accipe, & has lacrymas.  
 His lacrymis, his te inferiis, hoc munere condo.  
 Nate vale aeternum, o & valeant tumuli.  
 Quin & hient tumuli, & tellus hiet, & tibi membra  
 Reddat, & una duos urna tegat cineres.*

Pontanus pater L. Fran. F. infelici.

L. MARTIAE FILIAE.

*Liquisti patrem in tenebris, mea Lucia, postquam  
 E luce in tenebras filia raptamibi es.  
 Sed neq; tu in tenebras raptamibi es, quin ipsa tenebras  
 Liquisti, & media lucida sole micas.  
 Calo te nata aspicio, num nata parentem  
 Aspicias? an fingit hac tibi vana pater?  
 Solamen mortis misera, te nata sepulcrum  
 Hoc tegit, haud cineri sensus inesse potest.  
 Si qua tamen de te superat pars, nata, faterere  
 Felicem quod te prima juventa rapit.  
 At nos in tenebris vitam lucemq; trahemus:  
 Hoc pretium patri, filia, quod genui.*

Musæ, filia, luxerunt te in obitu: at lapide in hoc luget  
 te pater tuus, quem liquisti in squalore, cruciatu, gemitu.  
 Heu, heu filia, quod nec morienti pater affui, qui mortis  
 cordolium tibi demerem: nec sorores, quæ ingemiscenti  
 collacrymarentur misellæ. nec frater singultiens, qui siti-  
 enti ministraret aquulam. non mater ipsa, quæ collo im-  
 plicita, ore animulam exciperet infelicissima. Hoc tamen  
 felix, quod haud multos post annos te revisit, tecumque  
 nunc cubat. Ast ego felicior, qui brevi cum utroq; edor-  
 miscam, eodem in conditorio. Vale filia, matrique frige-  
 scenti cineres interim calface, ut post etiam refocilles me-  
 os. Joan. Jovianus Pontanus L. Martiæ filia dulciss. P. quæ  
 vixit annos XIII. m. VII. d. XII.

Jacobus de sancto Nazario, Sannazarius dictus, mutato postea cognomēto, se Actium Sincерum nominavit. Is in Mergillina, latere Pausilypi promontorii, qua Neapolin respicit, templum exstruxit, cui nomen imposuit S. Mariæ de partu, ubi hoc distichon ad imaginē Crucifixi legitur:

*Virginis intacta partus, celsiq; Tonantis  
Unicus, ut vivas, pertulit ipse mori.*

POST ARAM MONUMENTUM ACTII MARMOREUM longē pulcherrimum est, cui imposita ipsius imago, cum tali inscriptione:

*Actius hic situs est: cineres gaudet sepulti.  
Nam vaga post obitus umbra dolore caret.*

ITEM.

*De sacro cineri flores, hic ille Maroni,  
Sincerus Musa proximus ut tumulo.*

Vixit annos LXXII. Obiit M. D. XXX.

IBIDEM.

Fabricio Manlio nobili Barolitano, magnæ spei juveni, Camillus pater munus lacrymabile. Hic adeo Mergillinam adamavit, ut ad eam infirmus ferri, in ea mori, in ea sepeliri voluerit. An. 1566. Ob. an. 1561.

VIRGILII SEPULCHRUM NON PROCUL INDE, supra aditum, si ve introitum Cryptæ Puteolana, per montem Pausilypum itineris gratiâ acta, olim conspiciebatur: nunc hi versiculi recens candido marmori insculpti ibidem leguntur.

*Qui cineres? tumuli hæc vestigia; conditur olim  
Ille hoc, qui cecinit pascua, rura, duces.*

IN CASTELLO EREMI, IN TEMPLO REGIONIS arcis novæ.

Petrus Toletus Friderici Ducis filius, Marchio Villæ Franchæ, Regni Neap. Prorex, Turcarum omniumq; horroꝝ spe sublatâ: restitutâ justitiâ: urbe mœniis, arce foroq; auctâ, munitâ, exornatâ: deniq; toto regno divitiis ac hilari securitate repleto, monumentum virens, in Ecclesia dotata, & a fundamētis erecta Pon. Mand. vix. an. 73. rexit XXI. Obiit 1553. 6. Kal. Febr.

AD



NEAPOLITANA.

71

AD MARIAE DE CONSOLAT.

Fui ut es: eris ut sum.

ANONYMI.

*Hac satis in tumulo. fragilem te noveris esse:  
Mors certa est, tempus perbreve, vita nihil.*

RAYMUNDO URSINO

Pacentri Comiti, morum suavitate, candoreq; animi claro & insigni, Faustina Caraffa conjux mœstiss. quod nollet, id volens præstitit. O rerum humanarum inconstans exitus! Vixit annos XLVII. Obiit M. D. LIX.

JOAN. ANTON. CARACCIOLUS

Oppidi Comes, annum agens LX. locum delegit sepulcro ad parentum pedes, quos & vivos & mortuos observandos novit.

IN S. JOHANNE MAJORE.

TOMASII DURI ET JULIRROTAE  
conjugum.

*Felices, quibus una fuit mens semper, & una  
Quos tulit hora simul, quos lapis unus habet.*

JULIUS FELTRIUS

Eram, anno Christi salutis M. D. XXVIII. Martii die IV. & XX. fabulam clausi meam.

ANDREAE ALEXII.

*Qua miser imposui lugubria saxa sepulcro,  
Mi pater, innumeris accipe pro meritis.  
Quod si marmoream licuisset sumere formam,  
Te natus tegeret non alio lapide.*

*Incisq; nota legerentur, gratus Alexis  
Reddidit ossa patri, sitq; patri tumulus.*

Andree Simonis fil. Alexio Antonio, fratri piissimo, qui nemini unquam injurius, prodesse semper studuit. Vix. ann. LXXV. perpetua cum valetudine.

JOAN. BAPTISTA VILLANUS.

*Quam vivus nequivit, mortuus invenit requiem.*

E iij

## ANONYMI.

Quisquis es, hoc te sepultus rogat, sua ne moveas seu inquietes ossa, ut qui vivus nunquam quievit, saltem quiescat mortuus.

## IN VICARIA.

## AD INSIGNIA CAROLI V.

Carolo v. Cæsare Augusto invictiss. imperante, Petrus Toledus Marchio Villæ Franchæ, hujus regni Prorex, juris vindex sanctissimus, post fugatos Turcas arcem in Curiam redactam justitiæ dedicavit, consiliaque omnia hoc in loco, cum magno totius regni commodo, constituit, Anno à partu Virgineo M. D. XL.

IN AULA MAGNA AD IMAGINEM JUSTITIÆ  
*caca, dextrâ gladium, sinistrâ stateram tenentis.*

Cum æterni tribunal judicis illum reum non habeat, quem injuste reus condemnat, testante Prophetas; nec damnabit illum, cum judicabit ei: caveant Judices, & prudenter attendant, ut in causarum processibus, nil vindicet odium, vel favor usurpet. timor exulet, & præmium aut expectatio præmii justitiam non eyeitat: sed stateram gestent in manibus, lances appendant æquo libramine; ut in omnibus quæ in causis agenda fuerint, præsertim in concipiendis sententiis & ferendis, præ oculis habeant solum Deum, qui sit laudabilis & gloriosus per infinita sæcula sæculorum.

## IBIDEM.

Ne quid facias hodie, quod cras te pœniteat.

## ITEM.

NATURA DEFICIT, FORTUNA MUTATUR,  
DEUS OMNIA CERNIT.

Ad imagines Imperatorum in cistella conditas.

*Olim Cæsaribus quibus ingens non satis orbis  
Extitit, hac modica est sub brevitate locus.*

Ab altera parte hoc.

*Eluce in tenebras rapuit quos improba mors, nunc  
In lucem è tenebris porrigit, arca viros.*

ALIUD.

## NEAPOLITANA.

73

ALIUD.

I. V. D. M.

Crispe, fili lepidissime, heu heu orcus cum te voravit, delictum omne mihi abstulit: baculum, exsuctis medullis edentulae senectutis, secuit: spem nepotum abstraxit secum maximam. in tanta demum orbitate desolata supersum, ut nunc, qui secus sentiunt, manes vetuissent, vivum me tecum contumulassent. Vix, annos XII. Crispus pater infelicissimus, F. & sibi, & suis libertis libertabusque posterisque ipsi.

## IN CASTELLO NOVO.

Alfonso regum Princeps hanc condidit arcem.

Alfonso rex Hispanus, Siculus, Italicus, pius, clemens, invictus.

## AD ANNUNCIATAE.

Simon Grachila Venusinorum Pontifex Domum hospitalitate sacrosanctam ex asse heredem fecit, cavitque ut si filii fratrum, posterique eorum bonis artibus studuerint, heredes pro semisse sunt. Sin minus, ex eodem semisse quaque eorum foemina maturior nubito: & reliqua stipulatione, omni cura de se mortuo vivos levavit. An. 1563.

## AD MARIAE MONTIS VIRGINEI.

Matthaeus de Afflicto, nobilis Neap. ad extremam senectutem integra & animi & corporis valetudine pervenit. Sub v. Neapolitanorum regibus, se fidelem Consiliarium gessit: utriusque Juris peritiss. de Feudis, de Regni constitutionibus copiosissime scripsit. Multa scitiss. Consilia reliquit. Annum agens ferè 80. naturæ concessit.

## AD S. JOAN. MAJORIS.

*Cum speculum cernis, cur non mortalia spernis?*

*Tali namque domo clauditur omnis homo.*

## IN ARCHIEPISCOPI.

Oliverius Caraffa, Episcopus Hostiensis S. R. E. Cardinalis, Neap. Divo Januario Martyri Pontificique, Neapolitanorum patrono, sarcophagum hunc dedicavit, sacel-

E V

lumq; marmoribus miro opere construxit ornavitq;, ad-  
ditis ei sacerdotibus, qui quotidie DEO sacrificent, qui-  
bus dotem perpetui proventus constituit. Jus patronatus  
facelli gentilium esse voluit. Inprimis DEI honorem, &  
laudem sanctorum quæsit. Favete animis, & auctori  
preces fundite. An. sal. 1551.

*Hoc fac, & vires.*

## IBIDEM.

*Si dolor est, cui carus obit virq; optimus idem  
Omnibus, & qui plus millibus unus amet:  
Is meus est: mihi dum genitor dulcissimus eheu  
Antiqua exemplar simplicitatis obit.  
Æternum cineres patris heu manesq; valete.  
Linquor ego: vobis parva quies stabilis.*

Franc. Vopisco vita defuncto octogena-  
rio. Anno sal. Christianæ M. D.

## IN MONTE OLIVETI.

*Ut moriens viveret: Vixit ut moriturus.*

Jo. Paulus Raynaldi Vaxalli F. ex nobilitate Neapol.  
Aversanus antistes, cum Divi Pauli patrimonium tem-  
plumq; pie ac sancte auxisset decorassetq;, & monumen-  
tum sibi construi jussisset: paterna pietate ductus, sepul-  
crum hoc vivens faciendum curavit: & in eo vita functus  
condi voluit. An. Christi M. D.

## ITEM.

Pyrrhus Pestius V. I. D. & Catharina Scuria conjuges  
Augustino F. sibi & posteris posuere. Ann. sal. M. D. xxv.  
Hic ut Alfonso Piccolomineo Amalfiæ Duci perpetuo  
deditus: moriens procul abesse noluit.

## ITEM.

Joannes de Cabaniglis Troiæ Comes, fati acerbitate  
luctus perpetuus, quibus merito maxima erat spes. O.  
M. CCCC. LXXXIII. B. An. xxx.

## TENDIMUS HUC OMNES.

Hospes, quem cernis lapidem, Joanni Riberio eq.  
Ispal

Ispaliensi, singulariſſ. viro exempli: ductori ſtrenuo: & caſtrorum præſ. ſolertiſſ. Conſalvus Riberius profuſiſſimis lacrymis, ob conſanguineam charitatem Poſ. B. Ann. I. Quor. xx. Ferdin. Cath. regis auſpiciis, reliquos in Car. Cæſ. obſequiis expendit. A virginis partu M. D. XXX. v. Idus Decemb.

## M. S.

Hugoni Pepulo Comiti Bononiensi: Qui cùm ad familię dignitatem & ſplendorem non domeſticas tantùm virtutes, ſed & bellicę laudis decus adjunxiſſet: in maximis expeditionibus conſilio atque animi magnitudine proximum ſibi ſummis imperiis gradum, & inſigne apud cunctas Europę nationes nomen meruit. florente gloria & ætate ſua exſtiſto Philippus Pepulus Comes, fratri D. S. O. M. mœrens P. B. ann. xliiii. m. iv. d. xx. O. Capuæ. v. Kal. Septemb. M. D. xxviii.

*O ſemper inimica & invida proficiſcendi ad ſummam gloriam virtuti Mors!*

Tibi Chriſte D. O. M. æterni DEI F. de morte devicta triumphanti, & de eadem nobis triumphaturis exemplum relinquenti: M. Ant. Maza tanti beneficii ob memoriam dicavit: M. D. Lxviii.

D. O. M. Ferdinandus Manlius Neap. Camp. architectus. Qui Petri Toleti Neapolitani Proregis auſpicio regiis ædibus extruendis: plateis ſternendis: cryptæ aperiendæ: viis & pontibus in ampliorem formam reſtituendis: paluſtribusque aquis deducendis præfuit. Cujus elaboratum industria, ut tutius viatoribus iter, loci colonis ſalubriores eſſent: Timotheo Encycelio Mathemat. pietatis rariff. filio. Qui vixit ann. xix. m. vi. d. v. ſibi, ac ſuis vivens fecit. A Chriſto nato M. D. Liii.

## ALIBI.

*Improba mors noſtris, heu, ſemper & obvia rebus!  
Dum rex magnanimus totum ſpe concepit orbem,*

*En moritur: saxo tegitur rex inclytus isto:  
Liber a sidereum mens ipsa petiit Olympum.*

## DIVUS LADISLAUS.

*Miraris niveis pendentia saxa columnis  
Hospes, & hunc acri qui sedet altus equo?  
Quid si animbs roburq; Ducis, praclaraq; nosse  
Pectora, & invictas dura per arma manus.  
Hic Capitolinis deiecit sedibus hostem,  
Bisq; triumphata victor ab urbe redit.  
Italiamq; omnem bello concussit & armis:  
Intulit Hetrusco signa tremenda mari.  
Néve foret Latio tantum diademate felix,  
Ante suos vidit Gallica sceptras pedes.  
Cumq; rebellantem pressisset pontibus Arnum,  
Mors vetuit sextam claudere Olympiadem.  
I nunc regna para, fastusq; attolle superbos:  
Mors etiam magnos obruit atra DEOS.*

## ALIUD.

*Nil mihi, ni titulus summo de culmine deerat,  
Regina morbis invalida & senio.  
Fœcunda populos proceresq; in pace tuebar:  
Pro domina imperio nullius arma timens.  
Sed me idem livor, qui te, fortissime Caesar,  
Sopitum extinxit nocte jurvante dolos.  
Non me, sed totum laceras manus impia regnum,  
Parthenopeq; suum perdidit alma decus.  
Joanni Caracciolo, Avellini Comiti, Venusii Duci, ac  
Regni magno Senescalco & moderatori, Trajanus filius  
Malphiæ Dux, parenti de se deq; patria optimè merito,  
erigendum curavit.*

## ANTONIO SEREPANDO

*Sacerdotiis commodioribus honestè functo, cujus fide  
atque doctrina in scribendis epistolis Elistus Cardinalis  
Arragonius usus fuerat, uni mortalium maximè amico-  
rum caussa nato. Qui vixit an. XLV. m. XI. d. XV. Jacobus  
fratri opt. F. C. An. sal. M. D. XXXVIII.*

FRAN

NEAPOLITANA.

77

FRANCISCO PUCCIO.

Quód bonarum artium sibi magister fuisset:  
Antonius Seripandus ex testamento f. iussit.

JANO PARRHASIO.

Quód sibi socius in re litteraria fuisset:  
Antonius Seripandus testamento f. iussit.

ALIUD.

*Virtutum Ausonia, Martis flos, gloria fulmen:  
Hoc Ferrandus olet, colitur, tumuloq; resulget.  
Livida quem Lachesis telo demersit acerbo:  
Is jam nunc calos, aurataq; sidera calcet.*

ALIUD.

Ant. Rota, & Lucretia Brancia: vivi sibi M. H. PP. ut qua  
vixere concordia, & mortui quoq; unâ quiescerent; néve  
eorum inquietarentur ossa, caverunt ne quis omnino  
monumentum sequatur. Bene vivant boni conjuges: be-  
ne etiam moriantur. M. CCCC. LXXXVII.

ALIUD.

Ja. Brancatius Arechi F. humi sepulturæ locum dele-  
git: cavitq; ut si quis in sublimi condi maluerit, tanquam  
exhæres, jure sacelli excidat. M. D. L.

ALIUD.

Ossibus & memoriæ Bernardini Caraffæ, Episcopi &  
Comitis Theatini, Patriarchæ Alexandrini, positū: Hie-  
ron. Caraffa fratri unanimi, cum lacrymis F. Vixit ann.  
xxxiii. Morte judicante, satis eum vixisse diu, cui nihil  
ad ullam vel virtutis, vel prudentiæ, litterarumve laudem  
addi posset ulterius. Contrá graviter conquerente Fortu-  
na, ereptam sibi facultatem ampliff. honoris, quem jam  
illi deferendum apparaverat. Fato functus est: á S. Chri-  
stianæ M. D. V.

AD S. DOMINICUM.

*Vivit adhuc, quamvis defunctum ostendat imago.  
Discat quisq; suum vivere post tumulum.*

## EPITAPHIA REGUM ARRAGONIAE.

*Inclytus Alfonsus, qui regibus ortus Hiberis  
Hic regnum Ausonia primus adeptus, adest.*

Obiit M. CCCC. LVIII.

*Ferrandus senior, qui condidit aurea secla,  
Hic felix Italiam vivit in ore virum.*

Obiit M. CCCC. XCIII.

*Ferrandum mors seva diu fugis arma gerentem,  
Mox positis, quanam gloria? fraude necas.*

Obiit M. CCCC. XCVIII.

*Hospes reginam Joannam suspice natam:  
Et cole, qua meruit post sua fata coli.*

Obiit M. D. XVIII.

## ALIUD.

*Hic Isabella jacet, centum fata sanguine regum,  
Qua cum majestas Itala prisca jacet.  
Et qua lustrabat radiis regalibus orbem,  
Occidit: inq; alio nunc agit orbe diem.*

Obiit M. D. XXIIII.

## ALIUD.

*Dormis, an vigilas, Antoni? sector utrumq;  
Ossa quidem primum; virtutis fama secundum.  
Sanguine quo cretus? genitor quis? quidq; moraris?  
Stirpis Arragonis; Ferrandus; judicis horam.*

## ALIUD.

*Auspice me Latias Alphonsus venit in oras  
Rex pius: ut pacem redderet Antonia.  
Natorum hoc pietas struxit mihi grata sepulcrum,  
Caraffa dedit hac munera militia.*

IBIDEM CHEIRONIPTRI  
Epigramma.

*Ne te multa Ceres maculet, blandusve Bimater,  
Qui petis hinc laticem, prae monuisse velim.*



JO. FRANCISCO ROTAE

Equiti pulcherrimè interemto: Quòd ad Sebethum flumen, pro patria armis sumptis, medios inter hostes viam sibi virtute, moriens aperuisset. Fratris in egregii memoriam pos. publicis elato lacrymis. M. D. XXVII.

A L I U D.

Portia Capicia, viva gaudium, mortua mariti gemitus, heic sita est. Bernardinus Rota, perpetuò mœrens, perpetuò lacrymans. Proh dolor, quàm fuit cariss.

A L I U D.

Placito Sangrio Equiti opt. ob fidem in graviss. rebus domi militiæq; probatam Alfonso & Ferdinando Neapolitan. regg. inter primos maximè accepto, Bernardinus F. officii & debitæ pietat. nō immemor P. Obiit M. CCCC. LXXX.

A L I U D.

*Pro pueris (ideo nostrum non pegma quiescit.)  
E Lacrymis pietas sustulit ossa patris.*

P H O E N I X.

Ut se refeminet ales.  
Hic labor extremus.

---

Joan. Bapt. ex patricia Ducum fam. non minus apud reges Arragon. amore, gloria, quàm fidei præstantia clariss. Antonia Tomacella mutuæ charitatis causâ unicum tot lacrymarum solatium, viro opt. monumētum ex suo P. cavitq; ne præter se quisquam inferatur. ut cui puellula nupserat, & quicum sine jurgio semper vixerat; post facta quoque perpetuò copuletur. Interceptus mortalitate ann. agens LXII. m. IX. dies XIV. v. Kal. Octob. á Virgineo partu M. D. XIX.

---

A L I U D.

Par vitæ religiosus exitus. Francisco Caraffæ, Equiti Neapol. insigni, Christ. religionis observantiss. qui summa omnium mortalium benevolentia ac veneratione

ætatis an. agens 84. obiit, de senio nunquam questus. Olivarius Caraffa Neap. parenti optimo pos.

## A L I U D.

Siste hic conjux dulciss. ut nos vel humus nequaquam separet, sed una tandem nos tegat urna. Joannellæ Maramaldæ conjugi opt. Cum qua vixit ann. XXI. m. VII. & d. IX. Nihil de ea nisi mortem doliturus Joan. Antonius Muscettola, indefesso mœrore P.

## A L I U D.

Jo. Antonio Muscettolæ patricio Neap. domi forisq; clariss. Carolo v. Cæsari à consiliis interioribus. cujus præter omnium disciplinarum cognomētum, eloquentiam, & in negotiis dexteritatem æquare nemo potuit. Qui ter ad Clementem VII. P.M. magnis de rebus legatione pro Cæs. obita: ne debitos jamq; oblatos virtutibus suis honores adiret, mors importuna obstitit. Moritur an. M. D. XXXII. Camillus frater B.M.F. vixit ann. XLVII.

## A L I U D.

D. S. S.

*Onustus a vo Janus hic Anisius  
Quærens melius iter, reliquit sarcinam:  
Qua pręgravato nulla concessa est quies.  
Tum si qua fulsit; cum Camœnis hæc stetit,  
Qua mox faceßivere plus negotii.*

H. M. H. N. S.

Hoc de suo sumpsit. Sacrum est. Ne tangito.

## A L I U D.

B.D.S.S. Petro & Dionysio Pandolfinis: qui primo ætatis flore Trojæ in Daunis fati acerbitate rapti sunt. Ferdinandus Episcopus Trojanus, solus tantæ fam. superstes ut cum Pandolfo avo paterno suo, eodem in tumulo conquiescerent, Frater fratribus dulciss. cum mœrore & lacrymis posuit. An. M. D. XXXIV.

A L I U D.

## ALIUD.

Loyfia de Penna, Raphaëlis F. Santii Vitaliani uxor, multarum fam. avia, proavia. Ne id negotii posteris relinqueret, vivens curavit. Vixit ann. huc usq; LXXX. An. sal. M. D. XXXVI. XXIX. Septemb.

## ALIUD.

Petrus de Iccis Hispanus, genere insignis, Equitum signifer. Qui quinq; lustris in bellis Italicis, pro Carolo v. Imperatore strenue & summa cū fide militavit: & ob suam virtutem Borbonum oppidum in præmii partem accepit. dum quieram vitā vivere putarat; DEI jussu ad cælum, ubi vera captatur quies, ascendit. d. VI. Febr. M. D. XXXV. ætatis suæ annorum XXXIX. mens. IIX. d. XI.

## ALIUD.

Herrico Pandono Borianensium Duci, Venafriq; Dn. & Catharinæ Aquævivæ, conjugibus concordiss. Hippolyta Ferdinandi Regis Arragonei neptis, filio, nuruiq; infeliciss. contra votum superstes infelicio, æterno mœrore posuit. An. a partu Virginis M. D. XXXI.

## AD S. ANELLUM.

Cujus corpus hac sub ara conditū, piē venerantur Neap. Anno DLXXVI. 18. Kal. Jan. regnante Mauritio Tiberio Aug. & beato Gregorio Romanæ sedis Pont. Max. nec non Fortunato Episcopo Neap. beatus Anellus ad cælestia regna migravit.

## IBIDEM.

*Quæ miser imposui lugubria saxa sepulcro,*

*Mi pater innumeris accipe pro meritis.*

*Quod si marmoream licuisset fundere formam;*

*Tenatus tegetet non alio lapide:*

*Incisq; nota legerentur; Gratus Alexis*

*Reddidit ossa patri, sitq; patri tumulus.*

Andræ Simonis F. Alexio, Antonius patri piiss. Qui nemini unquam injurius, prodesse semper studuit. Vixit ann. 75. perpetua cum valetudine.

## ALIUD.

Julius Feltrius eram. An. Christ. sal. 1528. Martii die quarto & vigesimo: Fabulam clusi meam.

## ALIUD.

Camillus Toccus Neap. ex nobili Toccorum fam. vivens mortis memor, suos poster. q. suorum cineres diem Domini heic expectare curavit. An. sal. M. D. LIII.

## ALIUD.

Clementi Gattulæ Physico insigni, ac protomedico, cunctis regg. Arragoneis, Alexandro VI. Pontif. Max. Galeatioq; Duci Mediolani ob amorem singularisq; doctrinæ elegantiam acceptiss. Anellus frater & hæres. Vixit 70. ann. sine uxoris molestia.

## ALIUD.

Nicol. Franciscus Cecinus Parthenopæus J. C. quàm sit labilis vita memor: ne in mortuum etiam vis fati sæviret: vivens heic suos cineres, quoad surrexerit, deponi curavit: cùm inconsulti sit, superstiti sepulturæ curam reponere.

## ALIUD.

Fides, probitas, pudor, hiis cineribus perpetuó comites, communem heic æternitatem expectant. Bartholemæo Paccio, Nicolao Medici, & Beatrici ejus F. civibus Neapol. ex vetustiss. Florentiæ familiis: Nicol. Anellus Paccius, Art. & Med. Doctor, patri, avo, & matri ob debitam pietatem, sibi ac posteris P. An. á DEO homine M. D. LX.

## ALIUD.

Nicolao Gondino Florentino, eximiæ virtutis & probitatis juveni, cujus immaturam mortem nemo bonus non doluit: Julianus octogenarius pater, opt. F. lacrymans P. Obiit Ann. sal. 1499. Septemb. 13. Vixit ann. 25. m. 7. d. 25.

## ALIUD.

Bartholemæus Solarius: duplicem sortitus patriam, alteram

teram naturæ Genuam: alteram juris Neapolim: mortalitatis memor, hoc sibi ac suis vivens monim. exstruxit. An. fal. 1553.

## A L I U D.

Siste hospes: quàm incertæ hominum sedes? Florentia ortum dedit: Parthenopæ extinctum fovet. Mercaturam exercui. Hei mihi, non opes, non pietas fatum placavere. Constantia amantissima conjuge, & Ferdinando nato unico impub. superstitis. Obiit an. fal. 1490. Francisco Naccio Florent. mercatori Ferdinandus F. patri pientiss. Vix. an. 52. m. 4. d. 6.

## A L I U D.

Nil meum. quod debui reddidi. D. O. M. sacrum. Colutius Coppula patricius Neap. Juris Civilis ac Pontificii in juvena donatus insignibus: cujus patrocinium omnis sexus, omnis ordo in causis optavit: Hoc sibi suisq; posteris vivus sepulcri memor P. An. fal. 1521.

---

UT VIVAS VIGILA: HIC EXITUS OMNES.

LONGARUM HÆC META VIARUM.

Vito Pisanello, ex antiqua orto familia: utpote cui Pisæ in Achaja, unde ea est, cognomen indidere. Federici regis, à secretis intimo: atque à latere Consiliario: & miseris temporibus laborum, itinerum, periculorumq; socio. Dein Ferdinando regi Catholico, ob raram adversis in rebus fidem, Gallis regnum invadentibus, acceptiss. Qui post receptam Neapolim, an. agens 73. in ejus gremio mortalitatem explevit. Andr. Franciscus, & Mutius Neapp. avo opt. ac benè merenti testimonium amoris & pietatis exsolverunt. Funeratus Idib. Dec. 1528.

## A L I U D.

Jac. Roscio Pistoriensi, Palatinis honoribus, & equestri dignitate functo, secundaq; fortuna semper uso: Jo. Roscius patri sanctiss. & Lucretia Gambacurta socero indulgentiss. P. P. & sibi posterisq; suis.

F ij

## A L I U D.

D.O.M.S. Galeatius Bricii F. Justinianus, præf. clariss. Baptistæ fratri pientiss. ac b. m. sibiq; vivens P. ut ita mortis simul soporem dormiant: sicut vitæ concorditer excubias vigilarunt. Et ne viator aberres; se duplici jactant patria. Dulcis Genua genuit, pulchra Parthenope tenet. Carolo v. Imp. H.M.H.N.S.

## A L I U D.

Bernardina Franca, mihi, & meis feci. Certa domus: secura quies: nil quærimus ultra. 1556.

## A L I U D.

Ifotta Bautia, Pyrrho Bautio Altimuri Principe, atque Maria Ursina, parentibus inclitis genita: Petri Gevaræ, magni regni hujus Seneschalci uxor, prisca matronarum virtute ornatiss. mortale sui dimidium Sacello in hoc avito deponendum vivens cur. Cælestem ad patriam spe summa & fide dutibus migratura. Quid non ævi longinqua vetustas, fortuna obsequente, mutat? Principatus ad alienos fors transtulit: Domina titulos servavit inanes: at foemina Princeps, licet tot claris orbata & titulis & fortunis; bona tamen animi sanctissima secum retinuit. Vix. ann. 70. Anno Theogoniæ 1530.

IN HORTIS PALATIO PRO-  
*regis proximis.*

Bernardinus Rota Musis hortos dedic. Ratus eas hilari hujusce cæli positione allicere; atque ita fortassis amicas fore. 1555.

## IN HORTIS ANTIQUI PALATII.

Alfonsus Ferd. regis F. Arragonius, Dux Calabriae, Genio domum hanc, cum fonte & balneo, dicavit: hippodromum constituit: gestationes hortis adjecit: quas myrtis citriorumq; nemoribus exornatas, Saluti Sospitæ, atq; voluptati perpet. consecr.

LAPIDIS CESSIONIS BONO-  
*rum inscriptio.*

Don. Petrus de Toletto, Marchio Villæ Franchæ, Cæs. & Cath.

Cath. M. in præfenti regno Vicerex, Locum-tenens, generalis Capitaneus, Princeps justiff. Excellenti milite, V. I. D. Ferdinando Figuerosa, Patritio Hispano Regente, magnam curiam Vicariæ curante, ad illorū morem abolendum, qui clam, nemine spectante, bonis cedebant, hunc locum erigendum mandavit: ut qui eo posthac beneficio uti volent, sæpius hæc iterato spectaculo, id commodum magno cum opprobrio compensent. Anno Domini 1553.

## MULIER MARMOREA.

*Quid me miraris duro de marmore factam?  
Respice te potius, vermibus esca manes.*

## A L I B I.

Martia Capece pudoris ac venustatis rariff. decus, hîc requiescit. Quæ scalarum lapsu, heu, capite defesso, luctantem diu animam tandem exspiravit. Quis lacrymas, quis ejulatus comprimat? legens puellam formosiss. tam dirè, tam infaustè mortè obiisse. Vincentius Capece maritus, qui cum nondum annum exegit, saxum hoc doloris testimonium pos. Vixit an. XIX. m. III. d. X. M. D. XLVI.

## PETRO BRANCATIO FUSI F.

Hic bello Ferrariensi, suscepta adversum Venetos expeditione, Alfonso, Ducem Calabriae, cujus contubernalis erat, secutus, agro Brixienti toto ferme capto; dum arx Montis clari oppugnatur; colubrina ictus interiit. Corpus Neapolim fratris operâ relatum, & hîc situm est. Marinus Brancatius, qui eo in bello cum primis præfuit, fratri obtemperantissimo suaq; familia & patria dignis moribus prædito, ac benè merenti, faciendum cur. An. M. C C C C. L X X X I I.

## A L I U D.

Petrus Summontius bon. litterarum cultor observantiff. qui vix. ann. 63. m. 4. d. 4. h. 3. sibi & Reinaldo patri dulciss. posterisq; suis omnibus, de suo ponendum cur.

## AD S. PAULI MAJORIS.

Piiss. ac venerabili Dn. nostræ Helenæ Augustæ, matri

Dn. nostri victoris semper Aug. Constantini, & aviæ Dnn.  
nostror. beatiss. Cæs. ordo, & pop. Neapolitanus.

## ALIUD.

*Nate patris matrisq; amor, & suprema voluptas,  
En tibi, qua nobis te dare fors vetuit,  
Busta damus, tristesq; notas, hinc invida quando  
Mors immaturo funere terapuit.*

Andræ F. dulciss. qui vixit ann. 6. m. 2. d. 20. Robertus  
Bonifacius, & Lucretia Cicara parentes: ob raram in-  
dolem.

## ALIUD.

*Liquisti gemitum misera lacrymasq; parenti,  
Pro quibus infelix hunc tibi dat tumulum.*

Jo. Baptistæ Cicaro: in quo vetusta & nobilis Cicarorum familia esse desiit: Marcella mater infelicissima memoræ causa, contra votum pietatis P. Vixit ann. 22. m. 9. d. 29. Decessit sal. an. 1504. pr. Cal. Decembris.

## D. O. M.

Scipionis Antonii F. summo Imp. Caroli v. á latere  
Consiliario, in administranda justitia, in regendis provin-  
ciis, in rebus bellicis expediendis integritate, prudentia,  
fideq; claro B. ann. \* m. 3. ☉. á partu Virg. 1552. 17. Kl. No-  
vemb. Hippolyta Monfortia marito optimo.

## ALIUD.

Jo. Baptista Solanus Valentinus, vir tam Mathemati-  
cis, quam Philosophia apprimé eruditus, dum ophthal-  
miam ex assiduis studiis contractam curare studet; reme-  
dium quærens in mortem incurrit. an. ætat. suæ xxx.  
Obiit an. Domini 45. v. Kl. April. h. 3. M. H. M. F. C.

Alvarus Quadra Episcopus Venusinus.

## ALIUD.

*Ætas, forma, genus, nos heic cum corpore liquit,  
In terris, & opes, corporis exuvias.*



*Asi animam, comites qua semper in orbe fuerunt,  
Lucida virtutum duxit ad astra chorus.  
Tres nati conjux ex me tibi care supersunt,  
Immatura duos mors tulit: ipsa sequor.*

## A L I U D.

Francisco cognomento de Colle, Equiti augustali, Hieronymus pater, regens Cancellariam, & circa latus regius Consil. dolens contra votum P. regnante invictiss. Car. v. Rom. Imp. semper Aug. An. sal. 1537. Fui ut es; eris ut sum.

## A L I U D.

Ecce superbientis naturæ, qualis sit mox futurus casus, Quisquis me nunc calcas vivus; cogita, si sapis, idem te mox futurum.

P O N T I S M A G D A L E N A E  
*supra Sebethum.*

Sive hospes, sive inquilinus viator es, bene ad sis, quem vides pontem collata provincialium populor. pecunia, publicæ commoditati restituit, Bernardino Mendotio, Principe optimo, auspice: dum regno Philippi Austrii, regis nostri inclyti, nomine, summa omnium benevolentia præfuit. Transi felix, & utere. 1555.

I N H O R T O S E C R E T O P R O -  
*regis in columna.*

Petrus Toletus Hispanus, Marchio Villæ Franchæ, Neapoli Prorex, novam cum hippodromo porticum novæ arci primis regendi auspiciis addendam curavit, Caroli v. Imp. & futuror. regum proregumq; commoditati: urbis decori: documento demum magni animi, & in nitidiorum formam splendoremq; suum cuncta reditura pollicentis. Ann. 1533.

P O R T A E P A L A T I I M A R C H.  
*de Vico.*

Nicol. Antonius Caracciolus Vici Marchio, & Cæsaris à latere Consiliarius, has Genio ædeis, Gratiis hortos,

Nymphis fontes, nemora Faunis, & totius loci venustatem Sebetho & Sirenibus dedicavit, ad vitæ oblectamentum atq; secessum, & perpetuam amicorum jucunditatem. An. 1543.

## IN CASTELLO EREMIANO.

*Ecce triumphator vincens verbo omnia Christus,  
Sic agit hostiles ad tristia tartara turbas.*

IN MAXIMO TORMENTO MURALI, QUOD olim Ducis Saxonia fuit, & jam Neapoli in eodem Castello Eremiano conspicitur, hac Germanica legitur inscriptio:

All andre Herschaft ist von Gott/  
Zu hülff dem menschen in der not/  
Dhn Satan vnd sein Bapstlich rot/  
Sind herrn zu stiften sünd vnd tod.  
Der Bapst heist recht der wilde Man/  
Der durch sein falsches schalckes ban  
All vnglück hat gerichtet an/  
Das Gott vnd mensch nicht leiden kan.

## PALATII CUJUSDAM SUBURBANI.

*Non hoc ista sibi tempus spectacula poscit.*

## IN AEDIBUS ADRIANI SPEDAFARRAE.

Æternæ memoriæ facti. Glaphyra Cl. Lusci F. adfecta adeo cineribus Cl. Fausti mariti heu rariss. ut ad alium transire nunquam voluerim: etsi fortuna præpotens, constantiæ semper inimica, surdo discrimine pudicitiae placidam ruinam minabatur; & viridis ætas fidem conjugii violare impellebat: iater utrasq; tamen fluctuans mulier mensibus 7. d. 3. non tam corpus cælebs, quàm animum pudicum servavi. Et ne à tantorum domestica hostium pugna continuo augefcente vincerer, procorum petulantem turbam fugiens, vivam me condidi monumento. At posteri, si invidetis, imitamini: si quis verò probaverit; probetur. Sin improbaverit; improbum se esse sciverit. Vale mors. Salve vita perpet. Vixi ann. xv l.

ARCIS.

## ARCIS.

Imp. Car. v. invictiss. Cæsar. Aug. jussu, Petrus Tolentanus Villæ Francæ Marchio, regni Neap. Prorex justiss. cujus auspiciis placida pace quiescitur, Pyrrhi Aloysii scribæ cura, arcem hanc á fundamentis inchoatam, Jo. Jacobi Achajii solertia & arbitrio perficiendam mandavit. 1542.

## ALIUD.

Fabium & Decium F. F. opt. summæque spei adulescentis en infelix sepelio Ascanius Sanctinus pater: quibus utinam commori potuissem: quando præmori non potui. Heu mihi: Non semel hæc misero, ob filiorum præcox ingenium, animus præfagivit mala.

## ALIUD.

O beatam conjugem, cui caros liberos in cælis visere, in terris amplecti licet! Jam quod optasti habes. Æternum frueri. Beatrici Cavaleriæ conjugii rariss. Ascanius Sanctinus perpetuo mœrens P.

IN BIBLIOTHECA MONTIS OLIVETI.

Piis ad DEI cultum studiis, ne vel hora frustra teratur.

## IN EPISCOPIO.

Alfonso Caraffæ S. R. E. Card. Archiep. Neapolitano, adolescenti non minus sua virtute, quam splendore majorum claro: patru Pauli I v. P. M. religionem & integritatem referenti, ea sapientia prædito, ut in secundis rebus summam ejus temperantiam, miram in adversis constantiam omnes laudaverint. Pius v. P. M. P. B. an. 25. d. xv. ☉. An. sal. 1565. 4. Kl. Sept.

Blasius Marficanus virtutem in infirmitate perficiens; vitam lubens cum morte commutavit: corpus hæc quiescere tandem voluit: donec illud incorruptibile, & non amplius infirmum induerit.

JOANNIS ALEFELDII EQUITIS CIMBRI  
anno 1581. extincti.

Defunctus loquitur.

*Est hujus vita cursus labyrinthus, in ipsum  
Ex utero intra vi, morte vorante, abi.  
Erravi hic, quantum DEUS & mea fata volebant,  
Lustra q̄, transmissi quinq̄, dies q̄, decem.  
Nobilibus tribui studiis hæc tempora vita,  
Ut sic nobilior nobilis ipse forem.  
Nunc jaceo, patria longè tumulatus ab oris,  
Judicis expectans acta suprema DEI,  
Cimbrica me genuit tellus arctoa, sub austro  
Parthenope rapuit, Parthenope q̄, tenet.  
Fratri cariss. Baltazar de Alefelt C. L. P.*



V E N E T I A E.

IN VENETIAS J. CÆS.  
SCALIGER.

*P*ER oia barbaricis tellus OEnotria turmis  
Pertulit impositi pondera dira jugi.  
Ipsa suos flevit populares Roma Quirites:  
Sensit & indomita noxia tela manus.  
Haud tulit hoc Genius: cujus fatalibus ausis  
Tutior in medio Roma renata mari est.  
Clara virum virtus animo: insatiata cupido  
Imperii: vasta non numerantur opes.  
Juppiter, haud temere tua sunt ita dis sita calo  
Mœnia. si possunt tangere, parte cares.

I N E A S D E M

SANNAZARIUS.

*Viderat Adriacis Venetam Neptunus in oris  
Stare urbem, & toto ponere jura mari:  
Non mihi Tarpejas, quantumvis Juppiter, arces  
Objice, & illa tui mœnia Martis, ait.*